



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicacionem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Quantò quis liberalior in Animas Purgatorii, tantò plus sibimet per hoc  
proficit.

**urn:nbn:de:hbz:466:1-45396**

scienter, prudenterque, ac deliberatè, quantum ad me, sim retractaturus, tam in toto quam in parte, usque ad mortem: ad quam usque; esse volo, & ero, servus, operarius, mancipium tuum, propter Animas illas, Animarum autem illarum propter Te.

Tibi Deo meo omnis, & semper major Gloria, in secula seculorum. Et fidelium Animæ per misericordiam Tuam Divinam, requiescant in pace. Amen.

Alia Praxis brevior.

**O**Mnipotens Deus: Ego N. offero Divinæ Majestati tuæ, ad Animarum Purgatorii subsidium: omnes actiones & Passiones meas, quatenus eæ satisfactoriæ sunt, totius vitæ meæ. Offero etiam Tibi, ad idem Animarum subsidium, totum id, quodcunque, à quocunque, tibi offertur, offereturve pro me vivo, vel etiam mortuo, quatenus id quoque satisfactorium aut est, aut erit: jam nunc volens id, Animabus purgatorii prodesse: juxta SS. Voluntatis tuæ beneplacitum, & secundum majorem tuæ Majestatis gloriam: Uniendo hæc omnia, hancque oblationem meam, meritis Domini nostri Jesu Christi, & Pretiosissimæ Dei Matris Mariæ, Omniumque Electorum.

Quantò quis liberalior in Animas Purgatorii, tantò plus sibimet per hoc proficit.

1. Quia hæc liberalitas, liberali, non tantum nihil coram DEO meriti aut valoris detrahit, sed etiam, tantò majorem fructum adfert, quantum ipsa est liberalitas major: quæ nunquam coram Deo esset illi tam fructuosa, si non esset in Animas tam profusa.

2. Hæc

Handwritten notes on the right edge of the page, including the number 280 and some illegible characters.

2. Hæc enim Liberalitas quo est major, liberaliorem apud Deum meretur gratiam in hac vitâ, & gloriam in alterâ.

3. Hæc eadem Liberalitas erga Animas Purgatorii facit, ut per opera nostra, non solum non minus, sed etiam longè amplius impetremus Deo quorumcunque Donorum.

4. Hæc quoque Liberalitas Animabus impensa, non minus, sed potius amplius satisfactoria, Purgatoriique nostri apud Deum diminutiva est: operaque nostra facit: quam illa essent, si animabus impensa non essent.

5. Hæc quoque Liberalitas in Animas Purgatorii, facit nobis amplissimam in Deo, & coram Deo fiduciam: quod intuitu liberalitatis huius, vel plurimum, vel etiam totum nobis de reatu pœnarum purgatorii liberalissimè detrahet, condonabitque. *Beatus enim qui intelligit super egenum & pauperem, in die mala liberabit eum Dominus. Et; Beati misericordes, quia & ipsi misericordiam consequentur.*

6. Hæc quoque Liberalitas in Animas, non tantum non est contraria Charitati, quam quisque sibi ipsi debet, sed est potius pro istâ Charitate. Sicut enim parcitas, aut negligentia in iuvandis illis Animabus, & contra Charitatem non tantum illis, sed etiam ipsis nobis debitam ita è contrâ, liberalitas erga illas, est valdè secundum utramque Charitatem: & specialiter in hoc passu; ut per eam nos ipsi, pro nobis debito purgatorio, multum Deo, ejusque justitiæ satisfaciamus.

7. Nam cum (juxta dicta) per hanc in Animas liberalitatem, opera nostra coram Deo red-

dantur, magis & meritoria, & impetratoria, & satisfactoria: sequitur, quòd, cùm aliquis opera sua (præsertim si liberaliter) offert Deo pro Animabus illis, hoc ipso plurimum serviat Charitati sibi à se debitæ. Qui autem in hac parte negligens, & parcus est, in suam ipsius Charitatem (maximè quoad Purgatorium sibi leniendum, abolendumvè) injurius est.

Beatam Gertrudem cæperat aliquando pænitentia aliqua, suæ talis in Animas Purgatorii liberalitatis: eò quòd sibi videretur nuda comparitura coram Christo, erogatis à se suis omnibus in Animas. Cui Dominus solatium tale dixit: *Mater quæ plures filias habet, singulis adultioribus vesticulas providet: solam autem infantulam habens nudam suâ propria veste contegit, & fovet: Id ipsum ego tua paupertati nuditatique faciam.* ait Dominus.

Alterâ vice eidem S. Virgini, similem Dominus maiorem absterfit, hoc modo: Voluit, ei ab omnibus Sanctorum Ordinibus conferri symbolam meritorum: quæ cum facta esse; incipiente Beatissimâ Deiparâ; apparuit Gertrudis ditissima. Atque hisce modis ostendit Dominus, nihil deperdi de suis bonis, liberalibus eximiè in Animas Purgatorii: quin imò securè, & magno cum fænore accrescere ipsis, plurima

coram DEO

bona.

EXER-